

Հ Ա Ն Գ Ի Ս Տ
ԳԵՐԱՇԵՆՈՐՀ Տ. ՎԱՀԱՆ ԱՐՔԵՂԻՍԿՈՂՈՍ ԿՈՍՏԱՆՑԱՆԻ
(1881—1960)



Մարտի 27-ին, երկարատև հիվանդությունից հետո, վախճանվեց Մայր Աթոռ Ս. Էջմիածնի երիցագլույն միաբան գերաշնորհ Տ. Վահան արքեպիսկոպոս Կոստանյանը։

Հանգուցյալը ծնվել է Վաղարշապատում 1881 թվականի փետրվարի 3-ին։ Նախնական կրթությունն ստացել է ծխական դըպ-

րոցում և ապա ընդունվել Ս. Էջմիածնի Գևորգյան ճեմարանում, որն ավարտել է 1907 թվականին։ 1905—1920 թվականներին աշխատել է Ս. Էջմիածնի Սինոդում որպես քարտուղար։ Այնուհետև ղանադան հաստատություններում վարել է պատասխանատու պաշտոններ։

1944 թվականին մտնում է Մայր Աթոռի միաբանների շարքը որպես վարդապետ:

1945 թվականին նշանակվում է Իրանա-Հնդկաստանի թեմի հայոց առաջնորդ և Հնդկաստանի ամռանը եպիսկոպոս է ձեռնադրվում: Մինչև 1949 թվականի հոկտեմբերի 22-ը նա պաշտոնավարում է Իրանում: Այնուհետև Մայր Աթոռում կոչվում է պատասխանատու պաշտոնների և արժանավորությանը ծառայում Ս. Էջմիածնին: Երկար ժամանակ նա եղել է Ս. Էջմիածնի Գերազույն Հոգևոր Խորհրդի անդամ, Մայր Տաճարի լուսարարապետ և Վրաստանի հայոց թեմի առաջնորդ:

Վերջին շրջանում, իր հիվանդության պատճառով, սրբազանը հանգստյան էր կոչվել և Մայր Աթոռում իր երջանիկ ծերությունն էր անցկացնում:

Հանգուցյալի մարմինը Մայր Տաճարի շենքվեց մարտի 29-ին, երեկոյան ժամը 7-ին:

Մարտի 30-ին, Մայր Աթոռի ամբողջ միաբանության, վանքի պաշտոնեական, հանգուցյալի հարազատների և հավատացյալների ներկայության կատարվեց վերջին օծումը և թաղման կարգը: Մայր Տաճարում սուրբ պատարագ մատուցեց և օծման կարգը կատարեց գերաշնորհ Տ. Հայկազուն եպիսկոպոս Արքահայրը:

Սուրբ պատարագին ներկա էր վեհափառ Հայրապետը:

Օծումից հետո, «Ողջո՛յն քեզ Ս. Եկեղեցի, ողջո՛յն քեզ Սեղան Սրբութեան, ողջո՛յն քեզ դասք քահանայից, ողջո՛յն ձեզ սիրելիք իմ» բնաբանով գերաշնորհ Տ. Հայկազուն սրբազանը հուզիչ և գեղեցիկ դամբանականով վեր հանեց հանգուցյալի էջմիածնանվեր ծառայությունը:

Ժամը 1-ին, Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանի նախագահությամբ, թափուրը շարվեց դեպի Ս. Գայանեի վանքը, ուր պետք է ամփոփվեր հանգուցյալի աճյունը:

Մայր Աթոռի միաբաններն ու Հոգևոր ձեմարանի ուսանողները ուսամբարձ դուրս են բերում դազաղը Մայր Տաճարից: Թաղմանական թափուրը, շարականով և աղոթքով առաջնորդվում է Ս. Գայանեի վանքը:

Գերեզմանի վրա կատարվում է վերջին կարգը: Ապա հանուն Գերազույն Հոգևոր Խորհրդի դամբանական է խոսում գերաշնորհ Տ. Եզնիկ եպիսկոպոս Ալեյսկուրյանը, իսկ հանուն Մայր Աթոռի աշխարհիկ պաշտոնեական՝ «Էջմիածին» ամսագրի խմբագիր Ա. Հատիսյանը:

Թաղումից հետո, Մայր Աթոռի միաբանական սեղանատանը տրվեց հոգեհաշ, որին ներկա էին նաև հանգուցյալի հարազատները:

«Յիշատակն արգարոց օրհնութեամբ եղիցի»:

